



UNIVERSITÄTS-  
BIBLIOTHEK  
PADERBORN

## **Clypevs Theologiæ Thomisticæ**

Continens Tractatus de attributis, de visione Beatifica, de scientia Dei, ac  
de ejus voluntate, & Providentia

**Gonet, Jean-Baptiste**

**Parisiis, 1669**

Approbatio R. P. Iosephi Mailhot Sacræ Theologiæ Professoris.

---

[urn:nbn:de:hbz:466:1-77232](https://nbn-resolving.org/urn:nbn:de:hbz:466:1-77232)



*Approbatio R. P. Iosephi Mailhot Sacrae Theologiae Professoris.*

Ursum hunc Theologicum attentione magnâ, majori animi voluptate perlustranti mihi: seu nitor in profundissima eruditione singularis, seu locupletissima in breuitate copia passim occurrens, facile persuasit ut eum publica luce planè dignum censerem. Unum duntaxat minus in ipso placuit. Operi suo Author imposuit Clypei nomen, cum illud reuera sit illustrissima omnis generis armorum officina, quibus aut defendi sincera antiquae sapientiae dogmata, aut imperitiae novitatis vana commenta refelli possunt. Et tantùm abest, ut ex eo quippiam Sacrosanctae fidei, seu Catholicæ Romanæ Ecclesiæ oppugnet oracula: immò per illud ubique munitissimum ipsius Fidei, totiusque Orthodoxæ Doctrinæ antemurale, id est, Thomistica Theologia, validissimè propugnatur. Datum Burdigalæ 25. Martii, anni 1659.

FR. JOSEPHVS MAILHOT, Ordinis Prædicatorum, Sacrae Theologiae Lector.

*Approbatio R. P. Antonini Massoulié, Sacrae Theologiae Professoris.*

Ibrum cui titulus: *Clypeus Theologia Thomistica contra novos ejus impugnatores*, attentè & summâ voluptate perlegi, in quo nihil quod absolutissimam in re Theologica scriptionem efficere possit, desiderare poterim. Etenim non solum sagacitatem animi ubique miram, acumen ingenij non mediocriter, eruditionem reconditam, & soliditatem reperi, qualem in D. Thomâ nemo non admiratur, & suâ Scholâ reliquit: Sed præterea, quod difficillimum esse existimarunt semper, & experimento persenserunt, qui difficilia petraçtant, eas dotes à natura studioque comparatas, cum summa claritate conjungit. Verissimè quidam dixit, *multos excogitare quidem opimè, sed malè sermone interprete destitui*; quos merito negaveris, scriptis libris, & in commune bonum, & publicum censum datis, quidquam in lucem edere: vel quòd adeò barbarè sese explicent, ut dixeris in alio orbe, & sub horrido cælo natos, nullum cum eruditis hominibus, aut humanioribus litteris commercium habuisse: vel quòd sine methodo, sine ordine rerum, ubique incipiant, ubique desinant, quod in Seneca quidam reprehendit: vel contra in magna & confusa farragine rerum sine delectu, quibus libros implent, vix exitum ullum reperias. Verùm potissimam hujus Operis Theologici laudem esse censeo, summam claritatem, quâ non dubitaverim asserere cæteros Scholâ nostrâ Theologos authorem hunc superasse. Adeò enim sese feliciter explicat, stylû adeò facilem, nec tumentem nec ullâ barbarie respersum adhibet; adeò egregia methodo, eleganti ordine, res ipsas minus ordinis patientes disponit; ut nemo unquam veriùs, sua scripta in lucem edidisse, suam aperuisse mentem, & ut verbo Ennodii utar, *lucem loquentum fuisse* dici potuerit. Verùm quod aliorum exemplo timendum fuerat, summæ soliditati, quâ non sola superficies, sed intimi recessus penetrantur, nihil tanta claritas officit. Nihil enim quod ad difficillimarum questionum resolutionem spectet, intactum relinquit: vulgares difficultates non vulgari doctrina explanat: novas Adversariorum tricas tantâ facilitate explodit, ut ludere videatur: plures sibi, easque graviore difficultates excitat, ut fortiosem seipso hostem quem impugnaret habuerit neminem. Habet sane Schola Thomistica instructissimam toti litterariæ rei panopliam in uno Clypeo, quo se quisque tueri, & in tanto ingeniorum, quæ malè pereunt, naufragio, ad veritatis portum securus deferri: ut hic miles strenuus, qui variis Clypei sui usibus, in gravissimis soli salique periculis salutem se debere ita dixit.

*Incolumen ex acie Clypeum me præstitit: idem*

*Naufragio apprensus litora ad usque tulit.*

Dignissimum certe suo Clypeo Authorem esse judico, qui in eorum numero, qui Dii fortes terræ, vel ut ex Hebræo alii explicant, *Souta terre* sunt, habeatur: nec in una duntaxat Academia, quod à pluribus annis felicissimè præstitit, sed in toto terrarum Orbe, velut alter

*Romana stirpis origo,  
Sydero flammans Clypeo, caelestibus armis,*

Thomisticam veritatem tueatur. Ne quid verò ab eruditorum hominum criteriis, vel ab Ecclesiæ censuris sibi metuendum sit, ut veritatem suo circumdat Clypeo, ita suo vicissim Clypeo veritas circumdabit semper. Ita censeo Burdigalæ die 5. Januarii anni 1659.

FR. ANTONINVS MASSOVLIE, Ordinis Prædicatorum, Lector Theologiae.

*Privilege du Roy.*

LOUIS PAR LA GRACE DE DIEU, ROY DE FRANCE ET DE NAVARRE: A nos Amez & feaux Conseillers, les Gens tenans nos Cours de Parlement, des Requêtes de nôtre Hôtel & du Palais, Baillifs, Senéchaux, leurs Lieutenans, & tous autres Officiers & Justiciers qu'il appartiendra. Salut: Nôtre cher & bien-ami JEAN-BAPTISTE GONET, de l'Ordre des Freres Prêcheurs, & Professeur en Theologie, nous a fait exposer qu'il a depuis peu composé un Livre intitulé, *Clypeus Theologia Thomistica contra novos ejus impugnatores*, qu'il desiroit donner au public, s'il Nous plaisoit luy accorder nos Lettres nécessaires: A CÈS CAUSES, & mettant en consideration la grande erudition de l'Exposant, dont Nous avons esté particulièrement informez, & que le Public peut recevoir un fruit très-considerable de ses Ouvrages: Nous luy avons permis & permettons par ces Presentes, d'imprimer, faire imprimer, vendre & debiter en tous les lieux de nôtre obeissance le susdit Livre,